



Pou Piblikasyon Imedya: 21/06/2022

GOUVÈNÈ KATHY HOCHUL

GOUVÈNÈ HOCHUL ANONSE JISKA 29 MILYON DOLA POU RELANSE FITI PWOJÈ POU ITILIZASYON MIKS NAN VIL SIRAKUS

Finansman nan Bidjè Ane Fiskal 2023 pral disponib pou preparasyon sit pre-developman

Gouvènè Kathy Hochul te anonse jodi a jiska 29 milyon dola nan finansman ki disponib nan Bidjè Eta a pou Ane Fiskal 2023 a pou ede Vil Syracuse ak plan li pou re-devlope ansyen Sant Developmantal Syracuse (Syracuse Developmental Center) kòm yon sant travay rejonal ak yon sit lojman pou revni miks. Finansman sa a sèvi pou sipòte gwo envestisman Gouvènè a ap fè nan devlopman mendèv ak lojman abòdab atravè eta a.

"Renove sit ki abandone, ki vid an tout kalite sit ki ajou se yon evidans, k ap ede ankouraje devlopman ekonomik pandan y ap revivize kominote yo ak pote nouvo opòtinite," **Gouvènè Hochul te deklare.** "Ansyen sit Sant Developmantal Syracuse la kapab kontribiye yon fason konsiderab nan sèvi rejyon New York Santral avèk plan Vil Syracuse mete sou pye. Mwen fyè pou m envesti nan pwojè ki pote transfòmasyon sa a epi mwen pa ka tann byen li pral pote pou moun yo nan rejyon an."

Yo pral itilize finansman eta pou travay preparasyon sit pre-developman ki enkli demolisyon ak asenisman estrikti ki deja egziste sou sit la ansanm ak envestisman enfrastrikti pou elaji liy dlo ak egou, wout ak twotwa yo, plante pye bwa, twati ak ekleraj atravè tout zòn nan.

Travay preparasyon sit ki finanse pa Eta a pral sipòte pwopozisyon Vil Syracuse fè pou nouvo enstalasyon komèsyal, manifakti avanse ak nouvo bilding rezidansyèl pou plizyè lokatè pou lojman pou moun ki gen revni miks nan sit vid yo la nan 800-2 S. Wilbur Avenue, ke vil la te sezi apre plizyè ane delenkans fiskal.

Senatè Eta a, John W. Mannion, te deklare, "Sit Sant Developmantal Syracuse la, ki te abandone pou plis pase de deseni, pral finalman revitalize apre envestisman sa a ki rive jiska 29 milyon dola pou demolisyon ak asenisman. Finansman sa a ke yo te bay nan Bidjè Eta a pral kontribiye yon fason konsiderab pou asire yo kapab re-itilize ansyen Sant Developmantal Syracuse la san danje pandan n ap pote djòb ak nouvo lojman nan rejyon nou an. Mwen bat bravo pou lidèchip Gouvènè Hochul paske li asire

ansyen sit Sant Developmantal Syracuse la kapab redevlope pou tout New York Santral."

Senatè Eta a, Rachel May, te deklare, "Syracuse ak New York Santral kontinye grandi, epi mwen kontan wè pwogrè ki fèt sou sit Sant Developmantal Syracuse la. Avèk lojman pou moun ki gen revni miks ak yon sant karyè, amelyorasyon nan sit sa a pral bay lojman abòdab ki nesesè anpil ak resous travay enpòtan pou rezidan Syracuse yo. Mwen vle remèsy Gouvènè Hochul pou travay li sou envestisman sa a ki nesesè anpil e ki enteresan pou kontinye momantòm rezijans Syracuse la."

Manm Asanble William Magnarelli te deklare, "Lè m konnen pwopriyete sa a byen, antanke yon èd elektrisyen sendika lè estrikti aktyèl yo te konstwi nan kòmansman ane 1970 yo, mwen kontan wè yo mete bèl pwopriyete sa a an fonksyon ankò. Transfòmasyon pwopriyete a an bon jan kalite lojman ak yon sant pou gwo djòb teknoloji se yon gwo envestisman nan Vil Syracuse."

Majistra Syracuse la, Ben Walsh te deklare, "Avèk asistans Gouvènè Hochul, nou nan yon etap pi pre pou fè ansyen sit Sant Developmantal Syracuse la vin yon premye egzanp transfòmasyon ak opòtinite. Apre plizyè deseni kòm yon bagay òrib, administrasyon mwen an te sezi pwopriyete 19 ekta ki vid la pou aryere fiskal an 2019 pou pwoteje katye ozalantou li yo epi pou fè li tounen yon itilizasyon pwodiktif. An akò avèk Syracuse Surge (Monte Syracuse), estrateji nou an pou kwasans enklizif nan Nouvo Ekonomi an, nou te idantifye patnè pou pote travay teknoloji avanse ak bon jan kalite lojman nan pwopriyete a. Mwen remèsy Gouvènè Hochul paske li sipòte vizyon nou an epi bay resous eta nou bezwen pou prepare sit sa a pou redvelopman epi asire li gen yon avni briyan pou tout Syracuse."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)